



Publicaziuns officialas dils 08-06-2018

Damonda da baghegiar

Nr. 46/2018

Datum da publicaziun: 08-06-2018
Patrun: Steiner Markus e Judith, 7173 Surrein
Representant: Architectura Bearth + Cavegn, 7165 Breil
Liug e parcella: Giachentrina; 4169
Object: construcziun d'ina casa

Nr. 56/2018

Datum da publicaziun: 08-06-2018
Patrun: Tschuetta GmbH, 7172 Rabius
Representant: Ciril Maissen, 7031 Laax
Liug e parcella: Igniu; 5250
Object: halla da commerci cun integrau in local da notg

Ils profils ein tschentai ed ils plans da construcziun ein deponi tier la canzlia communal.
L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Annunzias da baghegiar

All'istanza da baghegiar ei sin fundament digl art. 40 dall'ordinaziun davart la planisaziun dil territori dil cantun Grischun (OPTGR) vegniu annunziau suandonts projects:

Nr. 44/2018

Karl e Vèrène Wüthrich, 8045 Turitg; reparaturas vid il tetg, vid la fassada e vid las finiastras vid il baghetg nr. 144 sin parcella nr. 3164 a Cumpadials-Platta.

Nr. 49/2018

Rinaldo Pfister, 7166 Trun; lavurs da manteniment vid il mir sut tegia ed ulivaziun dil trutg existent viers ost dil clavau sin parcella nr. 5004 a Sumvitg-Murtès.

Nr. 50/2018

Augustin ed Olivia Decurtins-Giger, 7175 Sumvitg; remplazzar seiv e construcziun d'ina nova seiv sin parcelas nr. 6727 e 6728 a Surrein-Con.

Nr. 51/2018

Meinrad e Theolinda Flury-Carigiet, 7175 Sumvitg, remplazzament da finiastras e lavurs da manteniment vid la fatschada dil baghetg nr. 52B sin parcella nr. 4174 a Sumvitg-Casep.

Nr. 52/2018

Samuel Mathiuet e Judith Steiner, 7173 Surrein, colurar schalusas dil baghetg nr. 344 sin parcella nr. 1234 a Surrein-Plazzas Su.

Nr. 53/2018

Elisabeth Messmer-Roth, 9242 Oberuzwil, remplazzament da slondas dil baghetg nr. 752 sin parcella nr. 4283 a Surrein-Pardatsch.

Nr. 57/2018

Frena Degonda-Bass, 7176 Cumpadials, sanaziun dil mir dil baghetg nr. 574A sin parcella nr. 4263 a Surrein-Chischnès.

Sumvitg, 08-06-2018

Cumissiu da baghegiar

Elecziuns cantunalas, cirquitalas e votaziuns federalas dils 10-06-2018 mira pagina 3 da quest FUS

L'urna ei aviarta (en canzlia communal)

gievgia e venderdis mintgamai duront las uras da spurtegl dumengia, ils 10-06-2018, dallas 10.00 – 11.00 uras

Sonda e dumengia, ils 9 e 10 da zercladur 2018 mintgamai avon il survetsch divin en las fracziuns.

Ils cedels da votar ein vegni distribui. Tgi ch'ei aunc buca en possess da tals ei supplicaus da s'annunziar tier l'administraziun communal.

Adatg!

Il certificat da legitimaziun ei adina da presentar. Tier votaziuns cun posta ei il certificat da legitimaziun da suttascriber. Senza suttascripziun ei la votaziun nunvaleivla. Nus supplichein da consultar las informaziuns che Vus anfleis sin la cuviarta e sil certificat pil dretg da votar.

Sumvitg, 08-06-2018

Biro electoral

Radunonza da vischnaunca

La proxima radunonza da vischnaunca ha liug **mardis, ils 19 da zercladur 2018** allas 20.00 uras a Sumvitg.

Gliesta da tractandas

1. Avertura e beinvegni
2. Elecziun da 2 dumbravuschs
3. Approbaziun dil protocol dalla davosa radunonza communal dils 24-04-2018
4. Rendaquen 2017
5. Rapport dils revisurs ed approbaziun dil quen annual 2017
6. Tractaziun ed approbaziun dil project per megliurar il plaz da rimnada e curdem verd a Rabius/Igniu e concessiu dil credit brut da 90'000 francs
7. Orientaziuns
8. Varia

Dils documents tier las tractandas 4-6 sa vegnir priu investa sin canzlia communal duront las uras da spurtegl.

Sumvitg, 08-06-2018

Suprastonza communal

Consultaziun davart la cumplettaziun dils inventaris da biotops dalla confederaziun e dil cantun 2018

En la risposta 2017 sin l'incumbensa da deputau Albertin dils 16 d'october 2017 (nr. da protocol 891) ha la regenza decidiu da suttametter ad ina consultaziun, verificaziun e cumplettaziun pli extendida las datas existentas en il cantun davart spazis da viver (biotops) degns da protecziun en il senn digl art. 18 dalla Lescha federala davart la protecziun dalla natira e dalla patria dils 1 da fenadur 1966 (LNP; CS 451). Dil punct da vesta giuridic settracta ei da treis proceduras d'audiziun independentas che vegnan denton rendidas accessiblas sco unic pachet per motivs economics processuals e cunzun era per garantir la trasparenza.

1 Object

Objects dall'audiziun ein:

1. conturas curregidas da palius bassas e da pastiras e praus schetgs; Uffeci federal d'ambient: cumplettar ils dus inventaris federals corrispundents; Cussegl federal: approbar sebasond sigl art. 18a al. 1 dalla Lescha federala davart la protecziun dalla natira e dalla patria digl 1. da fenadur 1966 (LNP; CS 451) en cumbinaziun cugl art. 16 al. 2 dall'Ordinaziun davart la protecziun dalla natira e dalla patria dils 16 da schaner 1991 (OPNP; CS 451.1).
2. Cantun: cunfinar precisamein tut ils objects digl inventari federal sebasond sigl art. 3 al. 1 dall'Ordinaziun davart la protecziun dallas zonas humiditas d'impurtonza naziunala dils 28 d'october 1992 (CS 451.31), sigl art. 3 al. 1 dall'Ordinaziun davart la protecziun dallas palius aultas e dallas palius da transiziun d'impurtonza naziunala dils 12 da schaner 1991 (CS 451.32), sigl art. 3 al. 1 dall'Ordinaziun davart la protecziun dallas palius bassas d'impurtonza naziunala dils 7 da settember 1994 (CS 451.33), sigl art. 5 al. 1 dall'Ordinaziun davart la protecziun dils territoris d'amfibis d'impurtonza naziunala dils 5 da zercladur 2001 (CS 451.34), sigl art. 4 al. 1 dall'Ordinaziun davart la protecziun dallas pastiras e dils praus schetgs d'impurtonza naziunala dils 13 da schaner 2010 (CS 451.37) representadas en igl inventari da biotops cantunal tenor art. 16 dalla Lescha davart la protecziun dalla natira e dalla patria en il cantun Grischn dils 19 d'october 2010 (lescha cantunala davart la protecziun dalla natira e dalla patria, LNPGR; DG 496.000), regenza: approbar.
3. cunfinar precisamein ils objects da biotop d'impurtonza regiunala e locala, cumplettar igl inventari cantunal da biotops sebasond sin igl art 5 e 16 LNPGR, regenza: approbar.

2 Legitimaziun

ProprietariAs da terren, cultivaderAs, possessurAs dalla permissiun ni dalla concessiun, usufructuariAs, vischnauncas, organisaziuns (art. 12 LNP) e auters interessents.

3 Objecziuns

Es sa vegnir fatg valer:

- Igl object exista buca.
- Las conturas digl object ein buca correctas
- Damondas da renunziar a l'attribuziun d'impurtonza naziunala per singuls objects, nua che resultassen conflicts cun utilisaziuns ni intenziuns concretas.

Tut ils treis cass valan sco damonda per verificar ils fatgs. P.pl. risguardar: ina damonda per verificar ils fatgs daventa valeivla unicamein, sch'ei vegn aschuntau resp. cargau si in mussament ni in'argumentaziun a scret.

Damondas da renunziar a l'attribuziun dall'impurtonza naziunala vegnan transmesso per deliberaziun – cun las argumentaziuns – agl Uffeci federal d'ambient (UFAM).

4 Access tier las datas e termin

L'audiziun vegn fatga exclusivamein a moda electronica en il rom d'ina consultaziun.

Igl access tier las datas dalla surfatscha ed al formular da consultaziun ei pusseivels sut la suandonta pagina: www.anu.gr.ch/biotope2018.

Il termin da consultaziun cuozza entochen ils 24 d'uost 2018. Cuera, ils 25 da matg 2018

Uniun da pescadurs Sumvitg

La pesca communabla dil lag da Laus ha liug **sonda, ils 23 e dumengia, ils 24 da zercladur**. Sche l'aura lubescha, celebrescha il plevon da Sumvitg la dumengia allas 11.30 ina messa alpestra. Ustria cun gril sil plaz. Envidaus ei in e scadin. Il carrar cun vehichels tochen sil Bostg ei lubiu naven da **sonda, ils 23 da zercladur** allas 7.00 tochen dumengia, ils 24 zercladur allas 20.00. Empustaziuns per pèschs prendein bugen encunter sut 078 612 11 35. Cordialmein envida Uniun da pescadurs Sumvitg

Scola da musica Surselva

15avel Premi Lions per talents da musica

Sonda, ils 9 da zercladur 2018 dallas 09:00 - ca. 18:15 en casa da scola (SGV) a Glion

La concorrenza Lions ei ina concorrenza per solists / ensembles e bands per scolaras e scolars sco era per giuvenils entochen 20 onns dalla Surselva.

Ulteriuras informaziuns sut: www.bzs-surselva.ch

PCD dil cumin dalla Cadi

Invitaziun ad ina sentupada cun ils deputai e suppleants da deputau elegi ni reelegi **dumengia, ils 10 da zercladur 2018** allas 16.00 en la cafeteria dil Center da sport e cultura a Mustér. Nus selegrein da s'entupar cun vischinas e vischins dalla Cadi. *La suprastonza dalla PCD dil cumin dalla Cadi*

Controllas per apparats d'udida

Gliendisdis, ils 18 da zercladur 2018 saveis Vus schar schubergiar e rugalar Vies apparat d'udida:

9.15–10.30 en Casa sogn Martin a Trun

11.00–11.45 en Casa sogn Giusep a Cumpadials

13.15–14.30 el Puntreis, Center da sanadad a Mustér

Las firmas Amplifon cun dunna Roffler, e Jäggi cun signur Gfeller sorprendan comunablamein quei survetsch gratuit per tuts interessents. Ei drova negina annunzia.

Per in e scadin

Rabius: Ir cun festa. Mintga gliendisdis (tochen fin d'uost) allas 19.15 avon la «Greina» a Rabius. Has ti gust? Vegni! Nus selegrein da veser tei. *Las activas*